



Republika e Kosovës  
Republika Kosova  
Republic of Kosovo



Komuna e Kaçanikut  
Opština Kaçanik  
Municipal of Kaçanik

01Nr. 60/01-11539/24  
Kaçanik, 27.05.2024

## PROCESVERBAL

Nga mbledhja e V (pestë) e Rregullt e Komitetit për Politikë dhe Financa (Legjislatura e VII e Kuvendit të Komunës), mbajtur me 27.05 2024 Mbledhja u mbajt në katin e dytë të objektit të administratës komunale, me fillim pune në ora 11:00.

Pjesëmarrës në mbledhje nga Komiteti për Politikë dhe Financa- KPF ishin 6 anëtarë: Kemal Murseli, Kadri Krivenjeva, Fitore Vishi, Agim Mani, Ardita Rrahmani, Rabije Sallahi. Në mbledhje mungoj me arsye, Kadrije Lika-Troni.

Nga Ekzekutivi i Komunës në mbledhje morën pjesë: Kryetari i Komunës- Besim Ilazi, Nënkryetari i Komunës Sabedin Vishi, Drejtorët e Drejtorive: Bahri Selimi-DBF, Qamil Stagova-DUKMM, Hafize Sallahi-DRKS, Dardana Tafili-Dauti-DAP, Pranvera Loku-Zharku-DZHET, nga zyrtarët, Mavije Murseli.

Mbledhjen e kryesoj, Kemal Murseli, Kryesues i Kuvendit.

Procesmbajtës: Makfire Malsiu- ZLP për Punë të KK.

Fillimisht Kryesuesi i Kuvendit, Kemal Murseli, i përshëndeti pjesëmarrësit e kësaj mbledhje, konstatoj kuorumin, kushte pune me u mbajtur mbledhja ka, e hapi mbledhjen e V (pestë) të rregullt të KPF-a për vitin 2024, data 27.05.2024, me këtë:

### REND PUNE

1. Aprovimi i Procesverbalit nga mbledhja e kaluar e KPF;
2. Draft Statuti i Muzeut të qytetit të Kaçanikut;
3. Propozim Vendimi për bartjen e të hyrave të tejkaluara nga viti 2023 në vitin 2024;
4. Propozim Vendimi për transferin e mjeteve nga rezerva komunale, sipas buxhetit të vitit 2024;
5. Propozim Vendimi për shkëputjen e kontratës për dhënie në shfrytëzim të pronës së paluajtshme të komunës, ofertuesit ekonomik Mevlud Zharku;
6. Propozim Vendimi për shkëputjen e kontratës për dhënie në shfrytëzim të pronës së paluajtshme të komunës, ofertuesit ekonomik "KAÇINKA" L.L.C.
7. Propozim Vendimi për rialokimin e mjeteve buxhetore nga burimi i fondeve 22 - të hyrat e bartura nga viti kaluar 2023 ne buxhetin e vitit 2024.

Lidhur me rendin e punës, e hapi diskutimin:

**znj. Fitore Vishi:** Kërkoj që për mbledhjen e KK të hynë në rend pune edhe një pikë: Dorëheqja ime nga pozita e anëtarit të Kuvendit të Komunës.

**znj. Ardita Rrahmani:** Unë mendoj se duhet me lënë në fund të mbledhjes se KK, Njoftimin e tuaj për dorëheqjen nga pozita e anëtarit të KK.

**Kryesuesi i Kuvendit:** Në fund të mbledhjes së KK, merr fjalën Fitore dhe e njofton KK për dorëheqjen tuaj. Diskutime të tjera nuk ka, atëherë rendin e punës e shtoj në votim për aprovim dhe i njëjti u aprovua njëzëri. Në saje të kësaj del konstatimi së KPF,

**Aprovoj**

**Rendin e punës në përbërje prej 7 pikave.**

1. Aprovimi i Procesverbalit nga mbledhja e kaluar e KPF;

Procesverbali i mbledhjes se kaluar u aprovua njëzëri, pa vërejtje. Në saje të kësaj del konstatimi së KPF e,

**Aprovoj**

**Procesverbalin e mbledhjes së IV (katërt) të rregullt e Komitetit për Politikë dhe Financa (KPF) për vitin 2024 të datës 25.04.2024 / Lënda: 01Nr. 60/01-9167/24.**

2. Draft Statuti i Muzeut të qytetit të Kaçanikut;

**Kryesuesi i Kuvendit:** Me vendim të KK është themeluar Muzeu i qytetit të Kaçanikut, ndërkaq tani duhet të plotësohet me infrastrukturën ligjore. DRKS e ka sjellë Draft- Statutin, lidhur me këtë pikë e hapi diskutimin:

**z. Agim Mani:** Me intereson të di, a ka caktuar drejtoresha në këtë Draft-Statut orarin e punës për stafin teknik se stafit teknik i bien me punuar edhe pas orarit të punës? Këtu thuhet se në kuadër të këshillit ka me u formuar edhe një komision prej 5 anëtarëve dhe nuk e di sa ia vlen me u formuar komisioni, kur është funksional këshilli, se atëherë i bien që komisioni me qenë si vullnetar.

**znj. Hafize Sallahu:** Draft Statutin e ka hartuar Këshilli për funksionalizimin e Muzeut, i formuar me vendim të KK, besoj që është paraparë orari për stafin teknik. Ajo që e kanë kërkuar prej meje, sigurimin 24 orë të muzeut. Kjo është çështje teknike që mund të shqyrtohet. Këshilli është me mandat deri me funksionalizimin e muzeut, pastaj është paraparë të formohet këshilli drejtues.

**Kryesuesi i Kuvendit:** Diskutime të tjera nuk ka, A jeni që Draft Statuti t'i shkoj KK për miratim? Njëzëri u pajtuan të gjithë. Në saje të kësaj del konstatimi së KPF e

**Aprovoj**

**Draft Statuti i Muzeut të qytetit të Kaçanikut. Draft Statuti i Rekomandohet Kuvendit të Komunës për shqyrtim dhe aprovim.**

3. Propozim Vendimi për bartjen e të hyrave të tejkaluara nga viti 2023 në vitin 2024;

**Kryesuesi i Kuvendit:** Drejtori është këtu, para se me hapë diskutimin, ne mendojmë si KK me realizuar një vizitë zyrtare në Turqi, Slloveni apo Kroaci. Ndoshta drejtor na duhen edhe pak mjete të mallrat dhe shërbimet, e hapi diskutimin:

**z. Agim Mani:** Pyetje për drejtorin për të HVK bartjen e keni paraqitur për ato indirekte. Si bëhet bartja e të HVK tjera dhe sa është shuma e të HVK që kanë me u bartë nga viti 2023-2024?

**z. Bahri Selimi:** Për herë të parë është një ndryshim në legjislacion, tani me ligjin e buxhetit për vitin 2024, mjetet e mbetura nga të HVK bartën automatikisht në të njëjtat programe buxhetore, me përjashtim të HVK të paplanifikuara të tejkaluara, të cilat barten me vendime të KK. Drejtori sqaroj për të HVK të planifikuara dhe ato të realizuara. Mbi 800 mijë euro janë bartur në kodet ekzistuese të projekteve paraprake. Ligji e mundëson pastaj që ne të bëjmë

rialokime dhe transfere të atyre mjeteve buxhetore. Kanë me u bartur, 230,210.69€ , është bërë edhe orientimi i tyre. E pata një kërkesë nga kryesuesi, me buxhet janë 5,000€ të planifikuara nga mallrat dhe shërbimit të KK, unë e kam një propozim, të programi i investimeve kapitale, ku janë të parapara 125,000€ me i hequr 10,000€ apo 15,000€ me i dërguar në kuvend. Në krejt programet buxhetore të mallrat dhe shërbimet kemi pasur shkurtime buxhetore. Të DAP e kemi propozimin për me i shtuar 10,000€, të DBF tani shtohet shuma për 5,000€.

**Kryesuesi i Kuvendit:** Me buxhet të vitit 2024, kuvendi i ka 15,000€ € për mallra dhe shërbime, kjo shumë është edhe me Planin e punës së KK, 10,000€ nga GQ, 5,000€ të HVK. Unë jam në kontakt me disa komuna të vendeve të rajonit për realizimin e vizitës zyrtare të anëtarëve të KK, nëse nuk realizohet, mjetet i bartim diku tjetër. Nëse nuk janë mjetet, a mundem me i marrë në ndonjë program tjetër buxhetor?

**z. Bahri Selimi:** Nëse nuk arrijmë me bërë transfere, atëherë mundemi atë shumë me plotësuar nga Zyra e Kryetarit.

**znj. Ardita Rrahmani;** A duhet me u bërë ky transfer doemos sot, apo mundemi me vonë nëse arrihet marrëveshja për vizitën zyrtare të anëtarëve të KK.

**Kryesuesi i Kuvendit:** Pavarësisht prej vizitës, të kuvendi duhet me u plotësuar me mjete shtesë, se shuma 5,000€ nuk i plotëson as nevojat Zyra e KK për 1 vit, një pjesë duhet me u plotësuar sot, ndërkaq pjesën tjetër në të ardhmen, se mbi 10,000€ nuk mundem me u mbuluar shpenzimet tona.

**z. Bahri Selimi:** Atëherë me u plotësuar shuma sa ka qenë në vitet e mëhershme, 5,000€ janë në Zyrën e KK + shuma 10,000€ me u shtuar, se nuk besoj se vizita zyrtare kushton mbi 10,000€.

**Kryesuesi i Kuvendit:** Vizita zyrtare shkon përmes procedurës së prokurimit, unë nuk kalkuloj në atë drejtim. Shuma 15,000€ ka qenë çdo vit për KK. Ne kemi bërë ndonjë renovim të vogël, ndonjë blerje të karrigave etj. mjetet janë shpenzuar në kuadër të zyrës së KK, janë shpenzimet e bufesë, sallës, shpenzimet e sektorit të KK, me shumën 5,000€ nuk mundem me i mbuluar këto shpenzime. Neve kur na kanë ngelë mjete, i kemi bartë të ekzekutivi i komunës, si për shpenzime të bufesë etj.

**z. Bahri Selimi:** Shkurtime buxhetore nuk ka ndodhë vetëm të Zyra e KK, kemi edhe të drejtoria ime, tani do të shtohen 5,000€, buxheti ka qenë në lexim, nuk i kemi hequr në formë të fshehtë.

**z. Agim Mani:** Drejtor, sa mjete nga të HVK i keni shpenzuar në vitin 2023? Këtë po e themi, sepse nëse nuk keni shpenzuar fare, atëherë i keni bartur komplet të HVK. I keni pasur 862,000€, d.m.th nuk e keni shpenzuar asnjë mjet nga të HVK.

**znj. Ardita Rrahmani:** Sot jemi duke i bartur shumën e tejkeluar të HVK, 230,000€.

**z. Agim Mani:** Pyetja është për drejtorin: Të hyrat indirekte janë diku 230,000€ nga gjobat e realizuara nga gjykatat, ndërkaq planifikimi ka qenë 862,000€.

**Kryesuesi i Kuvendit:** Fillimisht janë të HVK, fondi 21, pastaj janë gjobat e gjykatave, policisë, të realizuara. Të HVK janë direkte se nuk jeni duke e kuptuar sa duhet.

**z. Agim Mani:** Jam duke e kuptuar drejtë, këtu thuhet, të hyrat vetanake nga gjobat e policisë, gjykatave, të realizuara gjatë vitit 2023 kanë qenë 1 milion e 92 mijë euro, ndërsa planifikimi vjetor 862,000€. Tejkalimi i të hyrave është 230,000€. Ju po i bartni vetëm 230,000€, se është bërë tejkalimi i mjeteve. A e dini se në planifikim nuk i keni futur mjetet e bartura të vitit 2022.

Nëse e shikojmë miratimin e buxhetit të vitit 2022 dhe 2023, nuk ka pasur planifikim për bartjen e mjeteve të vitit 2022.

**Kryesuesi i Kuvendit:** Jemi duke folur për të HVK bartjen e tyre të vitit të kaluar. Këto mjete nuk mund të planifikohen, por si bartje e mjeteve të pashpenzuara, duke i ndarë në kategori.

**z. Agim Mani:** Kryesues, sa keni pasur të HVK në vitin 2022 dhe në vitin 2023 ?

**Kryesuesi i Kuvendit:** Nuk i mbaj mend, ndërkaq si terminologji nuk po e kuptoni, se bartja e mjeteve nuk hynë në planifikimin e të hyrave.

**z. Bahri Selimi:** Mua me intereson të di, a i lexoni materialet të cilat ua dërgojmë?

**z. Agim Mani:** Pyetja ishte, sa mjete i keni shpenzuar nga të HVK të vitit të kaluar dhe sa mjete i keni pasur?

**Nënkryetari i Komunës-Sabedin Vishi:** U përmend se për herë të parë bëhet bartja e mjeteve vetanake të tejkaluara. Nëse fjala vjen e kemi një projekt 2 vjeçar, 70,000€ nga GQ, 60,000€ nga të HVK, mjetet ministria i bartë nga kodi në kod buxhetor, këto mjete bëhen minus dhe ngelin 130,000€.

**Kryetari i Komunës:** Mjetet e ngelura me herët i kemi bartë me transfere me vendim të KK, tani barten vetëm mjetet e tejkaluara buxhetore, por jo edhe të tjerat, se ato barten nga ministria nga kodi në kod buxhetor. Ministria i përcakton sa janë të ndara mjete në kode buxhetore, Investime kapitale, Mallra dhe shërbime, Subvencione dhe transfere, dhe ne edhe me dashur me ndërhyrë, nuk na lejon sistemi, ndërkaq pjesa e tejkaluara e mjeteve e bëjmë me vendime të KK.

**z. Agim Mani:** Të HVK për vitin 2023 kanë qenë 1 milion e 900 mijë euro me mjetet e bartura të vitit 2022, mund të jam në gabim, por kështu është në raport. Në vitin 2022 ka pasur bartje të mjeteve, dhe viti 2023 e kalon shumë më 1 milion e 900 mijë euro.

**Kryesuesi i Kuvendit:** Shuma 1 milion e 900 mijë euro nuk bëjnë edhe nëse nuk janë shpenzuar asnjë mjet financiar në vitin 2022 dhe 2023.

**z. Agim Mani:** Shumë herë e kam kërkuar raportin e shpenzimeve kapitale, nuk ma keni dërguar.

**z. Bahri Selimi:** Janë 1 milion e 92 mijë euro, se krejt mjetet me u bartë, nuk është ajo shumë, pa e shpenzuar asnjë. Tabelën e Investimeve kapitale ua kam dërguar Agim..

**Kryetari i Komunës-Besim Ilazi:** Unë po iu jap një informatë Agim. Auditori na ka sjellë opinionin para 2 ditëve, për pasqyrat financiare. Raporti është i pamodifikuar pa theksim të çështjes. Është një prej opinionëve me të mira që 2 vite, ndërkaq është i njëjti auditor që ka bërë auditim edhe para dy viteve.

**Kryesuesi i Kuvendit:** Nëse është e theksuar ashtu në raport, është gabim, se 2 vitet me i mbledhur të HVK 2022 dhe 2023 nuk e arrijnë atë shumë, se janë diku mbi 700-800 mijë euro për një vit dhe nuk e arrijnë atë shumë pa shpenzuar asnjë mjet. Agimi mundet me ardhur në zyrën tuaj drejtor dhe ia sqaron. Diskutime të tjera nuk ka, e shtroj në votim për aprovim këtë pikë, me përmirësimin që shuma 10,000€ me i transferuar të KK dhe e njëjta u aprovua njëzëri me ia kaluar KK. Në saje të kësaj del konstatimi se KPF

**Aprovoj**

**Propozim Vendimi për bartjen e të hyrave të tejkaluara nga viti 2023 në vitin 2024. Ky Propozim Vendim i**

**Rekomandohet**

**Kuvendit të Komunës për shqyrtim dhe aprovim.**

4. Propozim Vendimi për transferin e mjeteve nga rezerva komunale, sipas buxhetit të vitit 2024;

**Kryesuesi i Kuvendit:** Nëse ka kush diçka e hapi diskutimin:

**z. Bahri Selimi:** Fillimisht ju njoftoj se kemi bërë ndryshime në material, ia kam dërguar Sektorit të KK, e paska shpërndarë në kopje fizike, se patëm menduar mjetet me i dërguar në Mallra dhe shërbime, por i kemi vendosur me i dërguar në Investime kapitale, shumën 25,000€. Mjetet nga Granti qeveritar, shuma 20,000€ do të dërgohen në një projekt të ri, shuma 19,400€ në projektin: Ndërtimi i trotuarit dhe ndriçimi publik në rrugën “Fadil Bunjaku” në f. Biçec, 600€ në projektin: Ndërtimi i parkut rekreativ në zonën turistike Strazhë dhe 5000€ nga të HVK transferohen në këtë projekt.

**z. Agim Mani :** Mjetet po bartën nga kodi i njëjtë buxhetor në kodin e njëjtë funksional në të njëjtën drejtori, cila është arsyeja e transferit të tyre?

**z. Bahri Selimi:** Rezerva ka ngelë nga DSHPE, dhe patëm planifikuar ndërtimin e garazhës për KRM “ Pastërtia”, nuk na e kanë lejuar dhe na kanë thënë lëni në rezervë mjetet se garazha mund të bëhet me subvencione e jo me investime. Këto mjete duhet me i shpenzuar sivjet, komplet jemi duke e dërguar të kodi i shërbimeve publike, kodi është për drejtori, ndërkaq kodi ekonomik i projektit ende nuk kemi kod, se projekti është i ri, nuk e kemi në projektin e Investimeve kapitale. Pasi të kalojnë në KK, iu vendoset kod i ri, se Zyra e Prokurimit nuk mundet me zhvilluar procedura me mjetet nga kodi rezervë, pa e koduar projektin

**z. Agim Mani :** Cili kod është 18028 dhe cili është kodi i dytë 18028 se të dyja janë me një kod buxhetor? Rezervat nuk kanë kod buxhetor, ndërsa ju i keni dhënë kod rezervës komunale.

**z. Bahri Selimi:** Kodet janë në të njëjtën drejtori, infrastruktura rrugore. Është duke u bërë transferi i rezervës, se ne nuk mundemi me i thënë Zyrës së Prokurimit që nga rezerva me financuar një projekt të caktuar. Prokurimi duhet me pa se ekziston kodi i projektit, për me hapë procedurën e prokurimit. Ne rezervën si shumë të pa definuar jemi duke e shndërruar në dy projekte. Ky është qëllimi i kësaj, rezervën jemi duke e anuluar si fjalë, vjet i kemi pasur 120,000€, i kemi shndërruar në kapitale, sivjet janë 25,000€, jemi duke i shndërruar në projekt konkret. Rezerva tregon momentalisht ku është në bazë të kodit.

**z. Agim Mani :** Me intereson të di, ku po transferohen shuma, 20,000€.

**Nënkryetari i Komunës:** Shuma 19.400€ në projektin, Ndërtimi i trotuarit dhe ndriçimi publik në rrugën “Fadil Bunjaku” në f. Biçec, 600€ në projektin, Ndërtimi i parkut rekreativ në zonën turistike Strazhë.

**z. Agim Mani :** Po dua me ditur pse janë dy kode të njëjta?

**Nënkryetari i Komunës:** Shuma 19,400€, të 0451 bartët në infrastrukturë rrugore dhe si dhe mjetet të kodi 52899, Ndërtimi i parkut rekreativ në zonën turistike Strazhë, shuma 600€.

**z. Bahri Selimi:** Po e sqaroj, shuma 600€ shkon të DZHET, ndërsa shuma tjetër shkon të DSHPE në të njëjtën drejtori, nga infrastrukturë rrugore në infrastrukturë rrugore, të një projekt i caktuar dhe duhet me i dhënë destinim-kod për me u shpenzuar rezerva.

**Kryesuesi i Kuvendit:** Nga nën programi 18028 me kod 0451 transferohet në të njëjtin program në projektin e ndërtimit Ndërtimi i trotuarit dhe ndriçimi publik në rrugën “Fadil

Bunjaku” në f. Biçec., që ndoshta këtij projekti duhet me ia vendosë kodin. Pjesa tjetër është në rregull, Ndërtimi i parkut rekreativ në zonën turistike Strazhë, shuma 600€. Rezerva është nga IK. Diskutime të tjera nuk ka, e shtroj në votim për aprovim dhe e njëjta u aprovua njëzëri. Në saje të kësaj del konstatimi së KPF

#### **Aprovoj**

**Propozim Vendimi për transferin e mjeteve nga rezerva komunale, sipas buxhetit të vitit 2024. Ky Propozim vendim i**

#### **Rekomandohet**

**Kuvendit të Komunës për shqyrtim dhe aprovim.**

Me kërkesën e drejtorit të DBF, Kryesuesi i kuvendit konstatoj që pika 7, me u shqyrtua pas pikës 4.

7. Propozim Vendimi për rialokimin e mjeteve buxhetore nga burimi i fondeve 22 - të hyrat e bartura nga viti kaluar 2023 ne buxhetin e vitit 2024.

E hapi diskutimin:

**z. Bahri Selimi:** Ministria e ka alokuar mjetet, pavarësisht a na duhen apo jo në ato programe buxhetore. Ne tani e kemi bërë kërkesën të e njëjta drejtori, drejtorja e infrastrukturës rrugore, që me i hequr mjetet ku janë nga 5000€, se nuk na duhen, dhe me i ridestinuuar në projektin që sivjet e kemi në plan. Në vazhdim drejtori i përmendi të gjitha projektet nga kanë ngelur mjetet, ndërkaq shtoj se këto mjete jemi duke i bartur në infrastrukturë rrugore, ato të ndërtimi i QPS janë bartë shuma 5.000€ në projektin: Ndërtimi dhe funksionalizimi i objekteve për banim social.

**znj. Ardita Rrahmani:** A kemi me miratuar KAB në qershor?

**z. Bahri Selimi:** Qarkorja e parë buxhetore ka ardhur me 15 maj, KAB duhet me u miratuar deri me 30 qershor. DEMOS ka iniciuar diskutimet e hershme buxhetore, ne jemi pajtuar. Nga nesër fillojnë takimet, pastaj edhe juve shefat e GP, do të gjejme formën e takimeve.

**z. Agim Mani:** Të kodet buxhetore, ju keni thënë se do të bëhet rialokimi. A ka mundësi të bëhet rialokimi apo transfer i mjeteve.

**z. Bahri Selimi:** Për lëvizjen e mjeteve brenda kodeve buxhetore drejtorisë, është rialokim, ndërkaq nëse i transferojmë nga infrastrukturë rrugore të KK, këto bëhen me transfer. Në këtë propozim vendim nuk ka transfere, por vetëm rialokim.

**Kryesuesi i Kuvendit:** Diskutime të tjera nuk ka, e shtroj në votim për aprovim dhe e njëjta u aprovua njëzëri. Në saje të kësaj del konstatimi së KPF

#### **Aprovoj**

**Propozim Vendimi për rialokimin e mjeteve buxhetore nga burimi i fondeve 22 - të hyrat e bartura nga viti kaluar 2023 ne buxhetin e vitit 2024. Ky Propozim Vendim i**

#### **Rekomandohet**

**Kuvendit të Komunës për shqyrtim dhe aprovim.**

5. Propozim Vendimi për shkëputjen e kontratës për dhënie në shfrytëzim të pronës së paluajtshme të komunës, ofertuesit ekonomik Mevlud Zharku;

**Kryesuesi i Kuvendit:** Krahas raporteve që i kemi marrë me herët, sot e kemi Propozim Vendimin për shkëputje të kontratës. E hapi diskutimin:

**z. Agim Mani:** Edhe pse Propozim Vendimi na ka ardhur shumë me vonësë, nuk besoj se ne duhet me ia shkëputur kontratën, se kontratën e ka lidhë me Kryetarin e jo me KK.

**Kryetari i Komunës:** Nëse e ke lexuar Rregulloren, thuhet Kryetari e shkëputë kontratën pas vendimit të KK.

**Kryesuesi i Kuvendit:** Kryetari propozon KK, ndërkaq shkëputjen e kontratës e bënë pas miratimit të KK. Diskutime të tjera nuk ka, e shtroj në votim për aprovim këtë pikë dhe e njëjta u aprovua njëzëri nga 5 anëtarë që ishin prezentë, sepse kur u votua kjo çështje nuk ishte prezentë, Kadri Krivenjeva. Në saje të kësaj del konstatimi së KPF

**Aprovoj**

**Propozim Vendimi për shkëputjen e kontratës për dhënie në shfrytëzim të pronës së paluajtshme të komunës, ofertuesit ekonomik Mevlud Zharku. Ky Propozim Vendim i**

**Rekomandohet**

**Kuvendit të Komunës për shqyrtim dhe aprovim.**

6. Propozim Vendimi për shkëputjen e kontratës për dhënie në shfrytëzim të pronës së paluajtshme të komunës, ofertuesit ekonomik "KAÇINKA" L.L.C;

**Kryesuesi i Kuvendit:** Edhe të kjo pikë është njëjtë, nëse ka kush diçka e hapi diskutimin. Për diskutim nuk u paraqit kush, atëherë e shtroj në votim për aprovim dhe njëjta u aprovua njëzëri. Në saje të kësaj del konstatimi se KPF

**Aprovoj**

**Propozim Vendimi për shkëputjen e kontratës për dhënie në shfrytëzim të pronës së paluajtshme të komunës, ofertuesit ekonomik "KAÇINKA" L.L.C. Propozim Vendim i**

**Rekomandohet**

**Kuvendit të Komunës për shqyrtim dhe aprovim.**

Diçka tjetër për këtë takim nuk pati, mbledhja i përfundoj punimet në ora 11:48. Deri në fund të mbledhjes qëndruan të gjithë anëtarët sa ishin prezentë - 06. Mbledhja e Kuvendit do të mbahet me 31.05.2024, në ora 11:00.

Procesmbajtës  
Makfire Malsiu

*Makfire*

